



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/03-34-10847-1/25
Sarajevo, 11.04.2025. godina

**OSNOVNIM ŠKOLAMA
SREDNJIM ŠKOLAMA**

n/r direktora/ice
EMIS odgovornih osoba

PREDMET: Unos podataka za učenike koji su završili osnovnu školu izvan Kantona Sarajevo u EMIS Web informacioni sistem i polaganje eksterne mature – **Informacija, dostavlja se**

Poštovani,

Ministarstvo za odgoj i obrazovanje Kantona Sarajevo, u skladu sa Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, br. 27/24) i Pravilnikom o polaganju eksterne mature („Službene novine Kantona Sarajevo“, br. 25/18, 17/19 i 24/19), provodi eksternu maturu za učenike osnovnih škola na području Kantona Sarajevo.

Učenici koji su državljanima Bosne i Hercegovine, a osnovnu školu su završili izvan Kantona Sarajevo

Prema odredbama Zakona o odgoju i obrazovanju u osnovnoj i srednjoj školi u Kantonu Sarajevo, učenici koji su državljanima Bosne i Hercegovine, a osnovnu školu su završili izvan Kantona Sarajevo, imaju pravo upisa u srednje škole Kantona Sarajevo pod istim uslovima kao i učenici sa područja Kantona Sarajevo.

U tom kontekstu, Ministarstvo je donijelo odluku o određivanju šest osnovnih škola u kojima će učenici koji su završili osnovnu školu izvan Kantona Sarajevo polagati eksternu maturu i dostavljati dokumentaciju za unos podataka u EMIS informacioni sistem, što je neophodno za upis u prvi razred srednje škole putem online sistema.

Osnovne škole u kojima će navedeni učenici polagati eksternu maturu i predavati dokumentaciju:

- OŠ „Šip“
- Deveta osnovna škola Ilidža
- OŠ „Podlugovi“
- OŠ „Hilmi ef. Šarić“
- OŠ „Srednje“
- OŠ „Silvije Strahimir Kranjčević“



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

1/2

Potrebna dokumentacija za prijavu:

- Izvod iz matične knjige rođenih
- Svjedodžba o završenoj osnovnoj školi
- Uvjerenja o završenom 6., 7. i 8. razredu
- Dokumenti/Diplome koji dokazuju rezultate postignute na takmičenjima, a u skladu s Odlukom o kriterijima za upis učenika u prvi razred srednjih škola Kantona Sarajevo u školskoj 2025/2026. godini

Rok za prijavu učenika koji su završili osnovno obrazovanje izvan Kantona Sarajevo je 10. juni 2025. godine.

Učenici koji su završili osnovnu školu prema nastavnim planovima i programima drugih država

Učenici koji su završili osnovnu školu prema nastavnim planovima i programima koje su donijeli organi drugih država u skladu sa vlastitim propisima, dužni su izvršiti postupak ekvivalencije i nostrifikacije obrazovnih isprava.

Postupak nostrifikacije i ekvivalencije pokreće se podnošenjem zahtjeva Ministarstvu za odgoj i obrazovanje Kantona Sarajevo na obrascu N/E 1, koji je dostupan na web stranici Ministarstva, u dijelu *Preuzimanje – Zahtjevi i obrasci* (Link: <https://mo.ks.gov.ba/nostrifikacija>).

Nakon što se završi postupak ekvivalencije i nostrifikacije, učenici su dužni dostaviti sljedeće dokumente u OŠ „Safvet-beg Bašagić“ radi unosa podataka u informacioni sistem i kreiranja oID (obrazovnog identifikatora), koji je neophodan za prijavu u online sistem upisa u srednje škole:

- Izvod iz matične knjige rođenih,
- Rješenje o izvršenoj nostrifikaciji,
- Dokumenti/Diplome koji dokazuju rezultate postignute na takmičenjima, a u skladu s Odlukom o kriterijima za upis učenika u prvi razred srednjih škola Kantona Sarajevo u školskoj 2025/2026. godini.

Podsjećamo da je Ministarstvo za odgoj i obrazovanje Kantona Sarajevo, dana 21. marta 2025. godine, dostavilo svim školama Odluku o kriterijima za upis učenika u prvi razred srednjih škola Kantona Sarajevo u školskoj 2025/2026. godini („Službene novine Kantona Sarajevo“, broj: 11/25).

Molimo vas da ove informacije objavite i na web stranici vaše škole kako bi bile dostupne svim zainteresiranim učenicima i roditeljima.

S poštovanjem,


MINISTARICA

Naida Hota-Muminović

Dostaviti:

- Naslovu
- a/a

